



TOSHKENT DAVLAT YURIDIK UNIVERSITETI REKTORINING B U Y R U G ' I

05.07.2023

108-um-son

Xalqaro tadbirlarni yuqori saviyada tashkil etish to'g'risida

O'zbekiston Respublikasi Vazirlar Mahkamasida 2023-yil 19-iyun kuni o'tkazilgan yig'ilishda hamda O'zbekiston Respublikasi adliya vazirining 2023-yil 20-iyundagi "O'zbekiston Respublikasi Vazirlar Mahkamasida 2023-yil 19-iyun kuni o'tkazilgan yig'ilishda belgilangan vazifa va tadbirlarning ijrosi to'g'risida"gi 150-um-son buyrug'ida belgilangan vazifalar ijrosini ta'minlash, shuningdek, O'zbekiston Respublikasi Prezidenti saylovi arafasida o'tkaziladigan ijtimoiy-huquqiy sohadagi islohotlarning mazmun-mohiyatini yetkazishga qaratilgan xalqaro tadbirlarni yuqori saviyada tashkil etish maqsadida

BUYURAMAN

1. O'zbekiston Respublikasi Vazirlar Mahkamasida 2023-yil 19-iyun kuni o'tkazilgan yig'ilish bayoni hamda O'zbekiston Respublikasi adliya vazirining 2023-yil 20-iyundagi 150-um-son buyrug'i ma'lumot va ijro uchun qabul qilinsin.

2. Quyidagilar:

2023-yilning 3–7-iyul kunlari Toshkent shahrida ijtimoiy-huquqiy sohadagi islohotlarning mazmun-mohiyatini yetkazishga qaratilgan xalqaro tadbirlarni o'tkazilishi va ushbu tadbirlarda Adliya vazirligining taklifiga asosan 6 nafar xorijiy siyosiy va jamoat arboblari, ekspertlarning ishtirok etishi;

2023-yilning 8-iyul kuni Toshkent davlat yuridik universiteti (bundan buyon matnda – TDYU)da milliy va xorijiy huquqshunoslar, siyosiy va jamoat arboblari, ekspertlar ishtirokida "Yuridik kasb rivojlanishining zamonaviy tendensiyalari" mavzusida xalqaro konferensiya (yuridik muhokamalar seriyasi) tashkil etilishi inobatga olinsin.

3. Xalqaro hamkorlik boshqarmasi (B.Uzoqov) hamda TDYU huzuridagi Yuridik kadrlarni xalqaro standartlar bo'yicha professional o'qitish markazi (F.Mahmudov):

TDYUda o'tkaziladigan xalqaro konferensiya (yuridik muhokamalar seriyasi)ni yuqori saviyada tashkil etish choralarini ko'rsin;

tegishli idora, yuridik firma va boshqa tegishli tashkilotlar xodimlari va yuridik soha vakillarini xalqaro konferensiyaga keng jalb etilishini ta'minlasin;

Jamoatchilik va OAV bilan aloqalar bo'limi (J.Haydarov) bilan birgalikda konferensiya yuzasidan tegishli flayer, reklama bannerlari tayyorlanishi va jarayonlarni ommaviy axborot vositalari va internet tarmog'ida keng yoritish yuzasidan tegishli choralarni ko'rsin.

4. Moliya-iqtisod masalalari bo'yicha prorektor A.Iminov:

xorijiy eksportlarning transport vositalari ta'minoti, ularga aviachiptalarni hamda mehmonxonalarni oldindan zaxira (bron) qilib qo'yish, xorijiy mehmonlar va tadbir ishtirokchilariga kofe-breyk, tushlik va kechki ovqatlarni tashkil etilishi hamda xorijiy ekspertlarga esdalik sovg'alarini taqdim etish borasida Adliya vazirligi bilan yaqindan hamkorlik qilish choralarni ko'rsin;

2023-yilning 8-iyul kuni TDYU o'tkaziladigan xalqaro konferensiya (yuridik muhokamalar seriyasi)ni yuqori darajada tashkil etish uchun shartnoma asosida yuqori malakali sinxron tarjimonlarni jalb etish, xalqaro konferensiya o'tkaziladigan zalni tayyorlash, bezatish, led ekran o'rnatish choralarni ko'rsin:

xalqaro tadbirlarni tashkil etish va o'tkazish bilan bog'liq xarajatlarni universitetning byudjetdan tashqari mablag'lari hisobidan qoplash hamda zarur hollarda O'zbekiston Respublikasi Prezidentining 2018-yil 27-sentabrdagi PQ-3953-son qaroriga muvofiq xarajatlar xaridlarini to'g'ridan-to'g'ri shartnomalar asosida amalga oshirish choralarni ko'rsin.

5. Mazkur buyruq ijrosi nazoratini o'z zimamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



Katta yuriskonsult

A.TURSUNOV

